

UBUNGO YETU

TOLEO LA JULAI-SEPTEMBA 2022



MHE. JAFFARY NYAGESHA
MSTAHIKI MEYA WA MANISPAA YA UBUNGO



MHE. KHERI JAMES
MKUU WA WILAYA YA UBUNGO



NDUGU. BEATRICE DOMINIC
MKURUGENZI WA MANISPAA YA UBUNGO

HALMASHAURI YA MANISPAA YA UBUNGO

RC MAKALLA: OPERESHENI INAENDELEA, DAR ES SALAAM NI

- Asema Operesheni ya kukamata Panya Road imekuwa na mafanikio makubwa.

-Vituo vya polisi vikubwa kwa vidogo kufanya kazi saa 24 kudhibiti uhalifu.

- Aelekeza Kila Mtaa kuweka utaratibu wa kufanya kikao Cha Ulinzi kila wiki ya kwanza ya Mwezi.

Mkuu wa Mkoa wa Dar es Salaam Mhe. Amos Makalla amesema kwa siku nne tangu kuanza kwa Operesheni ya kukabiliana na Panya Road Mkoa upo salama Baada ya kufani-kiwa kuwakamata Watuhumiwa 135 na Vifaa mbalimbali vilivyoibowi.

RC Makalla amesema hayo wakati wa kikao kazi Cha Kamati ya Ulinzi na usalama kilichoketi kufanya tathimi- ni ya Hali ya usalama Mkoa pamoja na kupokea taarifa ya mwenendo wa Operesheni ya kukamata Wahalifu.

Ili kuhakikisha matukio hayo hayajirudii, RC Makalla amebainisha mipango ya kudhibiti uhalifu ikiwemo Vituo vyote vya polisi kufanya kazi kwa saa 24, Ongezeko la Doria kila Kata, Kila Mtaa kufanya mku- tano maalumu kujadili ajenda ya Ulinzi na usalama kila wiki ya kwanza ya Mwezi.



Aidha RC Makalla amesema mipango mingine ni msako kwa Wafanyabiashara wanaouza na kununua Vifaa vya Wizi, Kuimarisha Vikundi vya ulinzi Shirikishi, ufuatiliaji wa mienendo wafungwa walio- maliza kutumikia vifungo na msako kwenye vijiwe, majumba mabovu yasiyokamilika (Mapagala) na vibanda umiza ambavyo vimekuwa sehemu ya kukutana na kuweka mi- pango.

Pamoja na hayo RC Makalla ametoa wito kwa Wazazi kuhakikisha wanazingatia suala la malezi kwa kufuatilia mienendo ya watoto wao.

Operesheni ya kukamata Panya Road ilizinduliwa Septemba 15 na ndani ya siku nne imekuwa na mafanikio makubwa yaliyopelekea kukamatwa kwa Watuhumiwa 135, Wanunuizi 5 wa Vifaa vya Wizi na kupatikana kwa Mali zilizoibowi ikiwemo Tv, Radio, simu za mkononi na vitu vingine.



PANYA ROAD WADHIBITIWA UBUNGO.



Mkuu wa Wilaya ya Ubungo Mhe. Kheri James amewahakikisha wananchi wa Wilaya hiyo kuwa kufuatia matukio ya Panya Road yanayohatari-sha ulinzi na usalama wa raia na mali zao. Wilaya hiyo imejipanga kudhibiti hali hiyo, hivyo wananchi waendelee na shughuli zao za kimaendeleo huku wakishirikiana na vyombo nya ulinzi na usalama kutoa taarifa za waarifu.

Mhe. James alitoa kauli hiyo Septemba 15, 2022 katika kikao kazi kilicho jumuisha Wenye viti wa Mitaa, Watendaji wa Kata na Mitaa wa Wilaya hiyo lengo ikiwa ni kujadili na kuweka mikakati ya kuhakikisha suala la ulinzi na usalama linaendelea kuwa ni jukumu la kila kiongozi kwenye eneo lake ikiwemo kukomesha masuala ya unyanyasaji wa kijinsia hasa kwa watoto.

Kheri aliendelea kueleza kuwa kumeibuka vitendo nya uhalifu vinavyofanya na vikundi nya vijana wadogo maarufu kama 'Panya Road' katika mitaa mbalimbali ya Jiji la Dar es Salaam ambapo amesema kwa upande wa Wilaya ya Ubungo hali ni shwari na hakujari potiwa taarifa yoyote ya vitendo nya uhalifu na uvunjifu wa amani.

Aidha, Kheri ametoa wito kwa wazazi na walezi kuhakikisha wanasi mamia maadili ya watoto wao kwa kufanya ufuatilaji wa mienendo yao kwani wanaoji-husisha na vitendo nya kihalifu ni vijana wenye umri mdogo na ameagiza jeshi la polisi kukamatwa wahalifu hao na kuwafikisha mahakmani kwa hatua za kisheria.

"Tukiendelea kudekeza wahalifu katika mitaa yetu Nchi itaingia matatizoni, Muhalifu akikamatwa apelekwe mahakmani haraka ili akahukumiwe kwa mujibu wa Sheria"

Alisema James.

Naye Mwenyekiti wa Mitaa wa Mpigi Magoe ndugu Said Seleman Diuchile ameelleza kuwa wao kama viongozi wapo tayari kutoa ushirikiano kwa jeshi la polisi juu ya utoaji taarifa za wahalifu sugu kwenye mitaa yao ili kusaidia Wananchi kuwa salama katika shughuli zao za kila siku.

Kwa upande wake Kamanda wa Polisi wa Wilaya ya Kipolisi Kimara SP Leah Ncheyeti ametoa taarifa ya kukithiri kwa vitendo nya ukatili na unyanyasaji wa kijinsia kwenye maeneo mbalimbali ya Wilaya hiyo ambapo wanawake na watoto wamekua wakikumba na vitendo hivyo kwa kiasi kikubwa.

SP Leah ameendelea kueleza kuwa vitendo hivyo vimekithiri kutokana na watu wengi kunyamazia vitendo hivyo vinapotokea katika ngazi ya familia hali inayopelekea kupoteza ushahidi muhimu wa kuwafikisha watuhumiwa kwenye vyombo nya Sheria.

Operesheni ya kukamata panya road ilizinduliwa September 15 na ndani ya siku nne imekuwa na mafanikio makubwa yaliyopelekea kukamatwa kwa watuhumiwa 135, wanunuzi 5 wa vifaa nya wizi na kupatikana kwa mali zilizoibii-wa zikiwemo TV, Radio, Simu za Mkononi na vitu vingine.



BEI ZA KODI YA PANGO KITUO CHA MABASI CHA MAGUFULI ZASHUSHWA



Manispaa ya Ubungo imeshusha viwango vya kodi ya pango katika Kituo Kikuu cha Mabasi cha Magufuli (Magufuli Bus Terminal) kutoka shilingi 40,000 kwa mita za mraba hadi shilingi 25,000 kiwango cha juu huku kiwango cha chini kikiwa shilingi 20,000 kulingana na eneo alilopanga mfanyabiashara.

Mabadiliko ya viwango hivyo yamefanyika baada ya Manispaa hiyo kupokea na kufanika kazi maombi kutoka kwa wafanyabiashara waliopanga maeneo ya biashara (fremu na vizimba) katika Kituo hicho kikubwa cha Mabasi Nchini kuomba kushushiwa viwango hivyo ili waweze kumudu kulipa kodi ya pango bila kuathiri ustawi wa biashara zao.

Akiongea katika kikao hicho Mkurugenzi wa Manispaa hiyo Beatrice Dominic alieleza kuwa ombi la wapangaji hao

la kushushiwa gharama za kodi limefanyiwa kazi am-bapo viwango vya kodi hizo vimepunguzwa kiasi ambacho kila mfanyabiashara atawea kumudu kulipa kodi hiyo bila shida kwani awali wapangaji wengi walikuwa wanashindwa kulipa na hivyo kuisababishia halmashauri kushindwa kusanya mapato kama ilivyopanga.

Beatrice alifafanua kuwa kabla ya punguzo la viwango vya kodi Manispaa ilijibika kugharamia huduma za maji, usafi ulinzi na umeme ila baada ya punguzo la viwango hivyo vya kodi kila Mfanyabiashara atawajibika kulipia huduma ya umeme kulingana na matumizi yake kama utarabitu utakavyoolekeza huku Manispaa ikiendelea kutoa huduma za Maji, Usafi na Ulinzi.

"Kila mfanyabiashara anamatumizi yake mfano mwenye majokofu na majiko matumizi

yake ni makubwa kuliko anayetumia umeme kwa ajili ya kuwashaa taa na kiyoyozie pekee hivyo ni vema kila mmoja akalipia kulingana na mtumizi yake" alisisitiza Beatrice

Akifafanua kwa kina mchan-ganua wa viwango hivyo vypa vya kodi , Mkuu wa Kitengo cha Fedha wa Manispaa hiyo George Mzeru alisema kuwa Wafanyabiashara waliopanga Jengo la Utawala kwa Sakafu ya chini (ground floor) Tsh 25,000, Sakafu ya kwanza (first floor) Shilingi 24,500, sakafu ya pili (second floor) shilingi 24,000 na sakafu ya tatu (third floor) italipiwa shilingi 22,000

Kwa upande wa Jengo la abiria ambalo chini Lina "Basement" Sakafu ya kwanza (Mezzanine floor) itakuwa shilingi 22,500, Sakafu ya pili (second floor) 22,000 na Sakafu ya tatu (third floor) italipiwa shilingi 20,000.

Kwa upande wake Mkuu wa Kitengo cha Sheria wa Manispaa hiyo Kissah Mbilla amewataka kila Mfanyabiashara kuhakikisha analipa kodi za pango za kuanzia mwezi Julai hadi Septemba 2022 na kupewa mkataba wake, kwa atakaye kaidi atachukuliwa hatua za kisheria ikiwemo kusitisha mkataba wa upangaji.

Inaendelea.....

Kituo Kikuu cha Mabasi cha Magufuli kilizinduliwa na kuanza kufanya kazi tarehe 24 Februari, 2021 kwa ajili ya kuboresha utoaji wa huduma za usafiri na usafirishaji lakini pia kama chanzo cha mapato kwa Serikali ambapo kwa mwaka wa fedha 2021/2022 jumla ya shilingi

bilioni 4.1 zilikusanya na kwa mwaka huu wa fedha 2022/2023 jumla ya shilingi bilioni 5.04. Aidha, baada ya miundombinu yote ya kituo kukamilika kinatarajia kusanya jumla ya shilingi bilioni 10.2 kwa mwaka



MADIWANI WASISITIZA UKAMILISHWAJI WA MIRADI KWA WAKATI



Baraza la Madiwani Manispaa ya Ubungo limetaka kasi kubwa ielekezwe kwenye ukamilishaji wa miradi ya maendeleo na ukusanyaji wa mapato ili Halmashauri iendelee kupata hati Safi na kushika nafasi ya kwanza katika ukusanyaji wa mapato.

Hayo yamesemwa leo tarehe 12/8/2022 kwenye mukutano wa kujadili utekelezaji wa shughuli za maendeleo kwa kipindi cha robo ya nne na

kusisitiza kuwa mapato yakikusanya kwa wingi miradi ya maendeleo itatekelezwa kwa kiasi kikubwa na kwa wakati na hivyo kuboresha huduma kwa wananchi.

Wajumbe wa baraza hilo waliendelea kusisitiza kubuni vyanzo vipyta ya mapato kwa ajili ya kuongeza mapato na kwa vile vilivyopo Viendelee kusimamiwa vizuri.

Aidha, Wajumbe, walisisitiza Halmashauri kuitia wataalam wake na kamati ya Kudhibiti UKIMWI waweze kusimamia vyema bajeti yakusaidia na kuwashudumia watu walioathirika na maambukizi ya UKIMWI

Nae, Mstahiki Meya Mhe. Jaffari Juma Nyaigesha alisisitiza wananchi kushiriki katika zoezi la Sensa ya watu na makazi linaloenda kufanyika tarehe 23 agosti, 2022

Pia amewataka wajumbe kushiriki katika tamaشا la Sensa ya Watu na Makazi kwa Wilaya ya Ubungo litakalofanyika Agosti 20,2022 katika viwanja ya Barafu - Mburahati

MHE. KATAMBI APONGEZA VIKUNDI VYA VIJANA UBUNGO



Naibu Waziri Ofisi ya Waziri Mkuu, Kazi, Vijana, Ajira,-na Wenye ulemavu, Mhe. Patrobas Katambi ameadhimisha sikukuu ya Nanenane kwa kutembelea vikundi vya vijana vilivyopo Manispaa ya Ubungo ambavyo vimenufaika na mkopo wa 10% inayotokana na mapato ya ndani ya Manispaa hiyo ambapo amevipongeza vikundi hivyo kwa kutendea haki mikopo hiyo kwa kufanya uzalishaji wenye tija na kurejesha kwa wakati.

Katika ziara Mhe. Katambi ametembelea kikundi cha Umoja ni Nguvu kinachojihuisha na utengenezaji wa mapambo ya ndani kwa kutumia unga wa gypsum na kikundi cha BRIACO kinachojishughulisha na uzalishaji wa Kripsi za viazi mbatata

na kueleza kuwa dhima ya Serikali ni kuona vijana wanajajiri kwenye shughuli za uzalishaji wakisaidiwa na Halmashauri kwa kuongezewa mikopo isiyo na riba kama sheria inavyoolekeza.

Mhe. Katambi ametaka vijana kuwa na malengo, kusudio na shabaha katika mipango kazi yao ili waweze kuzalisha bidhaa zenye ushindani kwenye soko la ndani na nje, kujikwamua kiuchumi, kuzalisha ajira na kuanzisha viwanda kwa kutumia elimu na ujuzi waliyonao kwani vijana ndio nguvu kazi ya jamii na Taifa kwa ujumla.

Kutokana na utendaji kazi mzuri wa vikundi hivyo, Mhe. Katambi ameielekeza Manispaa ya Ubungo kuviongezea kiwango cha mkopo vikundi

Aidha Mhe. Katambi ameeleza kuwa "Kwa mujibu wa takwimu za Sensa ya mwaka 2012, vijana wanakadirwa kuwa nusu ya idadi ya watu wote kwa maana hiyo ni kundi muhimu lenye maarifa, ujuzi na usomi, nguvu kazi kwa ujumla hivyo sisi kama serikali lazima tuwekeze nguvu katika kulisaidia kubadilisha mitazamo waliyonayo, kuwashudumia kulingana na mahitaji yao ili waweze kujitegemea na kufanya majukumu ya kimaendeleo"

Kwa upande wake Mkrugenzi wa Manispaa ya Ubungo Beatrice Dominic amevipongeza vikundi hivyo kwa kazi nzuri na kuahidi kuwaongezea nguvu ikiwemo kupata eneo la kudumu la kufanya kazi, kutangaza bidhaa zao pamoja na kutumia bidhaa zao kwenye miradi ya Halmshauri.



RAIS KAUPIGA MWINGI, WATUMISHI UBUNGO WAMSHUKURU



Watumishi Manispaa ya Ubungo wamemshukuru Mhe. Rais wa Jamuhuri ya Muungano wa Tanzania Samia Suluhu Hassan kwa utendaji kazi wake ikiwemo kuboresha maslahi ya watumishi wa umma kwa kipindi cha mwaka mmoja tangu aingie madarakani.

Akiongea kwa niaba ya Watumishi wa Manispaa hiyo Naomi Masangopole mbele ya waandishi wa habari leo agosti 5, 2022 na kueleza mafanikio ambayo Rais ameyafanya kwa kipindi Cha mwaka mmoja ikiwa ni pamoja na ongezeko la mishahara kwa watumishi wa umma, punguzo la madeni kwa upande wa mikopo ya Elimu ya juu ambayo watumishi wengi walikua wanadaiwa,

Watumishi wameende-

lea kumshukuru Rais kwa kupandisha madaraja watumishi ambapo kwa Manispaa ya Ubungo jumla ya watumishi 2199 wamepandishwa madaraja ndani ya mwaka mmoja na kuleta watumishi wa ajira mpya 68 kwa kada mbalimbali.

Pia, wamemponeza Rais kwa ongezeko la mishahara la asilimia 23.3 ambalo limelenga kuwainua wenye viwango vya chini vya mishahara na kueleza kuwa jambo hilo ni kubwa kwani linaendelea kutengeneza usawa baina yetu na kuongeza ari ya kufanya kazi

"Sisi kama watumishi tunamuahidi mheshimiwa Rais kuendelea kuchapa kazi kwani tunamuelewa dhamira yake" waliahidi watumishi hao.

Aidha, watumishi hao wamewapongeza viongozi wa Wilaya hiyo wakiongozwa na Mkuu wa Wilaya na Mkurugenzi kwa uongozi wao makini katika kumsaidia mheshimwa Rais kutekeleza majukumu yake ya kuhudumia wananchi hususi usimamizi wa miradi na ukusanyaji wa mapato.

Pia watumishi hao wameatumia nafasi hiyo kuwakumbusha watumishi wa umma, viongozi wa dini na wananchi kwa ujumla kushiriki katika zoezi la Sensa ya Watu na Makazi litakalofanyika tarehe 23.8.2022 kutokana na umuhimu wake kwa maendeleo ya Taifa letu.

KATIBU MKUU UVCCM TAIFA ARIDHISHWA NA UWEZESHWAJI WA VIJANA KUPITIA MIKOPO YA 10% YA HALMASHAURI

Katibu Mkuu Umoja wa vijana Taifa (UVCCM) Ndg. Kenani Kihongosi ameipongeza Halmashauri ya Manispaa ya Ubungo kwa uwezeshaji mzuri kwa vikundi nya vijana kupidia mikopo ya 10% ya mapato ya ndani ambapo kupidia mikopo hiyo vijana wengi wanajipatia kipato na kuzalisha ajira kwa vijana wenzao.

Pongezi hizo alizitoa septemba 10, 2022 wakati alipotembelea kikundi cha vijana cha UMOJA NI NGUVU kilichopo katika Halmashauri hiyo kata ya kibamba kinachojishughulisha na utengenezaji wa mapambo ya ndani kupidia unga wa gypsum na kueleza kuwa kutoa mikopo hiyo ni kutekeleza kwa vitendo dhamira ya Mheshimiwa Rais wa Jamhuri ya Muungano wa Tanzania Mhe. Samia Suluhu Hassan ya kuhakikisha vijana wanawezeshwa.

Kenani amesema kuwa, Kwa mujibu wa taarifa ya kikundi hicho, Vijana hao baada ya kupata Mkopo wa Halmashauri wa shilingi Milioni 37.5 wameboresha uzalishaji wa bidhaa za kiwanda chao, kuongeza wateja , kufanya marejesho kwa wakati na kulipa kodi za Halmashauri na TRA.

Kenani amekiri kuwa, Moja ya changamoto kubwa kwa vijana wanaopata mikopo hii hawafanyi marejesho



lakini kikundi hicho kinfanya marejesho vizuri na wana mpango wa kumaliza mkopo wao kabla ya muda uliopangwa, "nawapongeza sana".

"Vijana wakiwezeshwa wakafanya kazi za uzalishaji mali na biashara ni walipaji wazuri wa kodi za serikali na nchi itapiga hatua kubwa kimaendeleo" alieleza Kenani.

Aidha, amesema pamoja na mafanikio ya kikundi hicho ameitaka Halmashauri kuhakikisha vijana hao wanasaidiwa kutatua changamoto zao

hasa ya kupata gari kwa ajili ya kusafirishia bidhaa zao kwa wateja "na hili najua lipo ndani ya uwezo wenu kupidia mapato yenu ya ndani, nimetembelea vikundi vingi sana lakini kikundi hiki kinaweza kuwa cha mfano katika kuitendea haki mikopo hii kupidia mapato ya ndani"

Wito wangu kwa Maafisa Maendeleo ya Jamii ni kuendelea kutoa elimu kwa vijana namna ya kupata mikopo hii kwa kuwaelekeza vitu nya kuzingatia kwa ajili kupata mikopo hiyo ili tuwe na vijana wengi wanaoji-shughulisha na kutoa ajira kwa vijana wengine.

UHARIBIFU WA MAZINGIRA UBUNGO SASA BASI

Kama yalivyo maeneo mengine Manispaa ya ubungo imekuwa na uharibifu wa mazingira unatokana na uchiimbji holela wa mchanga kwenye mito na maeneo mengine na hivyo kupelekea manispaa hiyo kuweka mikakati ya kukabiliana na changamoto hiyo kwa kuhakikisha watalamu wa mazingira, wenyeviti na watendaji wa kata na mitaa wanalinda mazingira.

Hayo yameelezwa kwenye kikao kazi cha kuwasilisha ripoti ya tathmini ya uchimbaji holela wa mchanga kilichoju-muisha wataalamu toka Bonde la Wami/Ruvu, NEMC, Afisa Mazingira, Waheshimiwa Madiwani, Wenyeviti na Watendaji wa Kata na Mitaa Manispaa ya Ubungo lengo ikiwa ni kudhibiti uharibifu wa mazingira ambaa unaendelea kwa sasa kwenye maeneo tofauti ya manispaa hiyo.

Akiongea kwenye kikao kazi hicho Dkt. Elizabeth Mshote Mwenyeekiti kikosi kazi Mkoa wa Dar es Salaam alieleza kuwa sheria ya usimamizi wa rasili-mali za maji Na. 11 ya mwaka 2009 inazitaka Bodi za maji za mabonde nchini Tanzania Bara kusimamia na kuratibu shughuli zote zinazofanyika ndani ya hifadhi za vyanzo vya maji kama vile mito, mabonde, maeneo oevu, maziwa, chemchemi na mabwawa.



Mshote aliendelea kueleza kuwa kutokana na uchimbaji holela wa mchanga katika mito na mabonde na kwakuwa kumekuwa na uhitaji mkubwa wa mchanga ambaa unatumika kwa ajili ya kujengea miundombinu mbalimbali yakiwemo majengo ya Umma na binafsi na miradi mingine kumekuwa na uharibifu mkubwa wa mazingira hasa kwenye mito na mabonde.

Kwa upande wake Mkuu wa Wilaya ya Ubungo Mhe. Kheri James amewataka watendaji wa Kata na Mitaa pamoja na Wenyeviti wa Mitaa kuhakikisha wanadhibiti na kuyalinda mazingira juu ya uchimbaji holela wa mchanga.

Aidha, James amesema kuanzia ngazi ya Hal-mashauri, NEMC, Bonde Wami, Viongozi wa Kata na Mitaa kila mmoja anawajibu wa kufanya juu ya udhibiti wa mazingira.

James amewataka watu kuacha tabia ya kuchimba mchanga kiholela kwani kufanya hivyo kunapelekea uharibifu wa mazingira tena unaopelekea kupoteza makazi ya watu. Na amesema mtu ye yote atakayefanya hivyo atachukuliwa hatua za kisheria na kama ni kampuni basi itafungiwa.

Mbali na hayo Mhe. James amelitaka jeshi la polisi kuhakikisha watu hao wana-shughulikiwa kwa mujibu wa sheria kwani kosa la uharibifu wa mazingira ni sawa na makoza mengine ya uvunjifu wa sheria.

"Tusipoipambania vizuri vita ya udhibiti wa mazingira vita zingine zitatushinda. Hakuna uchumi bila mazingira, hakuna utalii bila mazingira, hakuna diplomasia bila mazingira, hakuna siasa bila mazingira linden mazingira" Alisema James.

SHIRIKA LA OCODE LAJENGA DARASA LA WANANAFUNZI WA AWALI

HABARI MPYA.



OCODE TANZANIA YAKABIDHI MILIONI 39 SHULE YA MSINGI KILUVYA

Ubungo Manispaa 

Shirika la OCODE TANZANIA limekabidhi chumba kimoja cha darasa la mfano kwaajili ya wanafunzi wa awali, viti 16, meza. Tatu na zana za kufundishia vyenye thamani ya shilingi milioni 39 katika Shule ya msingi Kiluvya iliyopo Kata ya Kibamba Manispaa ya Ubungo lengo ikiwa ni kuhamasisha wanafunzi kujua kusoma, kuandika na kuhesabu.

Akiongea katika hafla hiyo ya kukabidhi miundombinu hiyo Mkurugenzi wa OCODE Bw.

Joseph Jackson amesema sambamba na ujenzi huo wamefanikiwa kutoa mafunzo ya mbinu na zana mbadala za kufundishia iitwayo jifunze kwa walimu wa darasa la awali, la kwanza, la pili na la tatu ili kuwezesha wanafunzi kujua kusoma, kuandika na kuhesabu.

Bw. Jackson ameeleza kuwa mbinu hiyo imesaidia wanafunzi wengi kujua kusoma, kuandika na kuhesabu kwa muda mfupi kwa shule za msingi Kibwegele, Malambamawili, Goba na Kilu-

vya na ametoa wito kwa Manispaa kuendeleza mbinu hiyo kwa shule zingine zilizobaki.

Aidha, ameeleza kuwa zoezi hilo la ugawaji wa vifaa hivyo limeambatana na kauli mbiu isemayo "Ulinzi na Usalama wa watoto ni jukumu letu sote tupaze sauti kupinga ukatili dhidi ya watoto wetu sote" kwani watoto wamekuwa wahanga wa vitendo vyatveta na

hivyo kudhoofisha ustawi wao na haki zao za msingi.

Bw. Jackson ameendelea kueleza kuwa kwa muda wa Miaka minne mfululizo imekuwa ikishirikiana na Manispaa hiyo kwa kujenga shule za awali katika Shule ya msingi Kibwegere, Malamba Mawili, Goba na Kiluvya kwa gharama za Shilingi milioni 113.3.

Kwa upande wake Mkuu wa Wilaya ya Ubungo Mhe. Kheri James amelipongea Shirika hilo na kutoa wito kwa wadau wengine kuendelea kuisaidia jamii kama ambavyo wamefanya OCODE kwani jukumu la kujenga jamii ni letu sote sio Serikali pekee.

Kheri ameitaka jamii kutofumbia macho ukatili wa watoto kwani ukatili huo usipodhibitiwa juu ya watoto wetu wataendelea kunyanyasika, pamoja na changamoto za maisha zilizopo ni lazima wazazi na walezi tutenge muda wa kuzungumza na watoto ili kujua nini wanapitia , matarajio yao na ndoto zao ili kufanikisha maisha yao ya baadae.

"Mapambano dhidi ya ukatili wa watoto ni wajibu wa kila mmoja wetu kwani mtoto anayefanyiwa ukatili atendea wengine ikiwemo kujihusisha na uhalifu katika jamii" Alisema James

Nae Mwalimu Mkuu wa Shule hiyo Bi. Leah Linus Sanga amelishukuru shirika la OCODE kwa msaada wao mkubwa na kueleza kuwa Shule hiyo ina jumla ya wanafunzi 2,109 na jumla ya vyumba nya madarasa 11 ya msingi na darasa 1 la awali kutokana na wanafunzi waliopo kuna uhitaji wa vyumba 13 nya madarasa.



Anwani Za makazi

IMEANZA RASMI

UBUNGO

TUTOE USHIRIKIANO KWA KUTOA TAARIFA YA

- Jina la mmiliki nyumba/kiwanja
- Jina la mpangaji
- Kitambulisho cha NIDA
- Namba ya Simu
- Namba ya Kiwanja

Hakikisha unafikiwa na umepata namba ya nyumba hata kama hujajenga.

Wataalamu watakapita wana vitambulisho na watapita na Mjumbe

Ubungo yetu fahari yetu



Sensa ni Msingi wa Mipango ya Maendeleo, Shiriki kuhesabiwa, tuyafikiie Maendeleo ya Taifa
SENSA
TANZANIA
August 2025
Huduu Kuhesabuwa

TAARIFA

ZITAKAZO

HAKIKIWA

- | Namba ya Nyumba
- | Taarifa za mmiliki wa Anwani
- | Taarifa za wategemezi wa Anwani
- | Aina ya jengo
- | Matumizi ya jengo/kiwanja
- | Taarifa za anwani tegemezi
- | Jina la barabara
- | Jina la kata, Mtaa, Shehia, Kijiji na kitongoji
- | Taarifa za huduma muhimu.



Taarifa hizi zimebandikwa kwenye ofisi zote za Mitaa,
Ewe Mwananchi hakikisha unafika kwenye ofisi ya
Mitaa wako kuhakiki taarifa hizo.



ubungomanispaa

www.ubungomc.go.tz

JAMHURI YA MUUNGANO WA TANZANIA

OFISI YA RAIS TAWALA ZA MIKOZA SERIKALI ZA MITAA

HALMASHAURI YA MANISPAA YA UBUNGO



SHUKRANI

Viongozi, Madiwani na Menejimenti ya Halmashauri ya Manispaa ya Ubungo wanatoa shukrani zao za dhati kwa Mhe. Rais wa Jamhuri ya Muungano wa Tanzania Samia Suluhu Hassan kwa kutoa fedha shilingi **176,358673.90/=** kwa ajili ya utekelezaji wa zoezi la Operesheni Anwani za Makazi na Postikodi.

ASANTE
Mhe. Rais Wetu
Samia Suluhu Hassani
KAZI IENDELEE.....!





'Safisha,Pendezesa, Ubungo'
"Ubungo kuwa na Muonekano wa Kijani"
02 Desemba,2021

Kila Mitaa uweke lengo la idadi ya miti inayotakiwa kupandwa kwa kila nyumba ili kuwa na Ubungo ya kijani

'Ubungo yetu fahari yetu'

www.ubungomc.go.tz





**OFISI ZA MANISPAA YA UBUNGO
ZILIZOPO LUGURUNI**



**KAMISAA WA SENSA - TAIFA AKIWASILI KATIKA
OFISI YA MKUU WA WILAYA UBUNGO KWA AJILI
YA KIKAO KAZI CHA SENSA YA MAJARIBIO**



**DARAJA LA JUU LA KIJAZI
KIJAZI INTERCHANGE**



KITUO CHA MABASI CHA MAGUFULI



**KATIBU MWENEZI WA CCM TAIFA, ndugu, SHAKA
HAMDU SHAKA AKIWA KATIKA ZIARA YA UKAGUZI
WA MRADI WA KITUO CHA MABASI CHA MAGUFULI.**





KAMATI YA BUNGE YA MAZINGIRA YAFANYA ZIARA UBUNGO





WAJUMBE WA KAMATI YA MIPANGO MIJI MANISPAA YA UBUNGO, WAMETEMBELEA KITUO CHA UCHAKATAJI WA TAKA KILICHOPO BONYOKWA KINACHOJULIKANA KAMA MATERIAL RECOVERY FACILITY CENTER (MRF)

UZINDUZI WA CHANJO YA POLIO HOSPITALI YA SINZA PALESTINA

Ubungo imezinduzi rasmi zoezi la utoaji wa chanjo ya polio katika Hospitali ya Sinza Palestina ikiwa ni awamu ya tatu ya utoaji wa chanjo hiyo na zoezi Hilo litaendelea kufanyika kwa muda wa siku nne kuanzia tarehe 1 Hadi 4 septemba, 2022

Kwa Wilaya ya Ubungo watoto 174,588 wanalengwa kufikiwa na Katika kuhakikisha huduma inawafikia wananchi kwa haraka. Wataalamu wa Afya watapita nyumba kwa nyumba na pia katika Vituo vyote vya Afya

chanjo tayari imesambazwa.

Uzinduzi wa zoezi hilo ulifanyaika tarehe 1 septemba, 2022 ambapo Mkuu wa Wilaya ya Ubungo Mheshimiwa Kheri James aliwasihii Wakina mama kuhakikisha watoto wanapata chanjo hiyo kuwaepusha wato na ugonjwa wa kupooza

"Wananchi wetu tutawafikia popote walipo, wahudumu wetu wa Afya watapita kuhakikisha zoezi hili linafanyika" alisema hayo Kheri

Kheri Aliendelea kuwasisitiza wakina mama hao kuhakikisha wanazingatia usafi wa maeneo yao kwa kunawa mikono na maji safi na kuweka makazi yao safi ili kuwalinda watoto dhidi ya ugonjwa wa Polio na maradhi mengine yanayosababishwa na uchafu.



IDARA YA UTAWALA NA UTUMISHI MANISPAA YA UBUNGO



Mkuu wa Idara ya Utawala na Utumishi Manispaa ya Ubungo Selemani Kateti amefanya kikao na watumishi walio chini ya Idara ya Utawala na Utumishi na kuwakumbusha utekelezaji wa majukumu yao wanapokuwa katika Ofisi zao kwa kusimamia majukumu yao na kufata kanuni, taratibu na Sheria za kazi

Kikao hicho kimefanyika Leo Agosti 10, 2022 amba-po Watumishi hao walipata nafasi ya kushiriki kutoa Mapendekezo na maoni mbalimbali ili kuimarisha utendaji kazi

Kateti, aliwataka watumishi hao Kila mmoja kujua nafasi yake anapokuwa katika kituo Chake Cha kazi ili kuboresha utendaji kazi na utoaji wa

huduma .

"Tujifunze kujihamini na mkasimamie ipasavyo watu mnao waongoza katika Vituo vyenu nya kazi" aliongeza Kateti.

Aliendelea kwa kusitiza Kila mmoja kushiriki katika mas-wala ya kijamii ili kupeana nguvu na faraja mtu anapopata changamoto na hata matukio ya furaha.

Aidha, Kateti alisema pia ushirikiano ni muhimu, upendo, kufata maadili ya kazi, kanuni, Sheria na taratibu za kazi ni Jambo la msingi Kwakila mmoja wetu kulizingatia.

Katika swala la ukusanyaji wa mapato ya Halmashauri watendaji waliomba ushirik-

ishwaji wa maafisa biashara ili kufanya kazi kwa pamoja na kuomba uwepo wa kikao cha tathmini ambacho kitalenga kuboresha na kuongeza mapato ya Halmashauri.

Aidha, watumishi hao walimpongeza mkuu wa idara hiyo kwa kusimamia vyema changamoto wanazozipata na kuahidi kuendelea kufanya kazi kwa uweledi.



MHESHIMIWA YUSUPH OMARI YENGA NAIBU MEYA MPYA UBUNGO.



YUSUPH OMARI YENGA diwani wa kata ya Mburahtati amekuwa naibu meya mpya wa Halmashuri ya manispaa ya ubungo baada ya kushinda kwa kura 19 sawa na asilimia 95% akichukua nafasi ya aliye kuwa Naibu Meya Mhe. Hassan Siraji Mwasha kutoka Kata ya Msigani baada ya kumaliza muda wake kwa mujibu wa sheria.

Uchaguzi huo umefanyika Leo agosti 15, 2022 ambapo Kila baada ya mwaka mmoja hufanya uchaguzi kwaajili ya kumchagua Naibu Meya kwa mujibu wa Sheria.

Akitoa shukrani zake Mhe. YENGA ameshukuru wajumbe wa baraza hilo kwa kumpa kura za ndio

"Ntaenda kufanya kazi Kama

mlivyoniamini, mnipe ushirikiano wenu" aliongeza Yenga

Nae aliye kuwa Naibu Meya Mhe. Hassan Mwasha ametoa shukrani zake za pekee katika baraza hilo kwa madiwani wote kwa ushirikiano mkubwa walio muonyesha kipindi alipokuwa Naibu na pia amemponeza Naibu Meya mpya kwa kupata nafasi hiyo.

Aidha, katika baraza hilo wenye viti na wajumbe wa kamati mbalimbali walichaguliwa

Aidha, Mkuu wa Wilaya ya Ubungo Mheshimiwa Kheri James amemponeza kwa ushindi Naibu Meya YUSUPH OMARI YENGA na wajumbe wa kamati zote na kuwaahidi Serikali kuwapa ushirikiano katika utekelezaji wa majukumu

Nae Mkurugenzi wa Manispaa hiyo ndugu, Beatrice Dominic amewapongeza wajumbe wa kamati zote na Naibu Meya kwa kuchagliwa na kuahidi kuendelea kushirikiana bega kwa bega katika kutekeleza majukumu ya halmashauri

Halikadhalika, Zoezi la ugawaji wa vyeti vya shukrani kwa waliokuwa viongozi wa kamati zilizopita lilifanyika.

Pamoja na hayo baraza liliwapongeza mtendaji kata ya Ubungo, Mwenyekiti sinza C, mtendaji kata ya manzese, Mwenyekiti Mtaa wa kibangu na Mwenyekiti wa Mtaa

MAKALLA AMALIZA SINTOFAHAMU YA STENDI YA MAGUFULI NA STENDI BINAFSI

- Awataka LATRA kutokukwepa majukumu Na nyaraka zao walizotoa kwa stendi binafsi

- Aruhusu stendi binafsi 5 zilizohakikiwa Na LATRA kuendelea kutoa huduma Kwa sharti la kuingia na kutoka wapitie stendi ya Magufuli

- Aagiza Manispaa ya Ubungo kukaa Na wamiliki wa stendi binafsi kuona njia bora kusanya mapato

Mkuu wa Mkoa wa Dar es salaam Mhe. Amos Makalla ametangaza kuondoa katazo lililokuwa likizuia Mabasi yaendayo mikoani na nje ya Nchi kutoruhusiwa kupakia abiria au kushusha katika Vituo binafsi na badala yake ameruhusu utaratibu huo kuendelea Kwa sharti la kila basi kuingia

ndani ya Kituo kikuu Cha Mabasi Cha Magufuli

RC Makalla ametoa maamuzi hayo wakati wa kikao Cha pamoja baina ya LATRA, Wamiliki wa Stendi binafsi na Halmashauri ya Ubungo na kubaini pasipokuwa na shaka kuwa Waliotengeneza Vituo binafsi walifuata taratibu na kupatiwa Vibali na LATRA Baada ya kukidhi vigezo

Miongoni mwa vigezo vilivyotolewa na LATRA ili kuruhusiwa kuanzisha Stendi binafsi ni pamoja na uwepo wa Vyoo, Sehemu ya mapumziko kwa abiria, viburudisho Na sehemu ya magesho

Kutokana na Hilo RC Makalla ameridhia Vituo binafsi 5 vilivyohakikiwa kuendelea ku-

toa huduma na kufungua milango kwa wamiliki wengine wanaohitaji kuwa na Vituo binafsi kushirikiana na LATRA ili wapatiwe vigezo vinavyohitajika ambapo wamepewa Mamlaka ya kufuta au kutoa leseni

Aidha RC Makalla ameagiza Halmashauri ya Manispaa ya Ubungo kukaa kikao Mara moja na wamiliki wa Stendi binafsi ili kuona njia Bora ya ukusanyai wa mapato





UBUNGO YAKIMKAKATI

Ikiwa mwaka mpya wa fedha 2022/2023 umeanza tangu julai mosi, Halmashauri ya manispaa ya ubungo katika kufikia malengo ya kukusanya bilioni 32 kutoka katika vyanzo vya mapato vya ndani, watalaamu na viongozi kuanzia ngazi ya Mtaa wameamua kushirikiana bega kwa bega kukusanya mapato hayo na kufikia lengo.

Akiongea katika kikao hicho Mstahiki Meya wa Manispaa hiyo Mhe. Jaffary Juma Nyaigesha alieleza kuwa watendaji wa Kata na Mitaa wana jukumu kubwa la kuiwezesha Manispaa katika kufanikisha zoezi la ukusanyaji wa mapato kwani wanaostahili kuchangia mapato hayo ni wananchi na wafanya biashara ambao wapo katika mitaa yao.

Aidha Nyaigesha aliwasisitiza Viongozi hao kuhakikisha kuwa wafanya biashara na wananchi wote kwa ujumla wanalipa kodi, tozo, ushuru na ada mbalimbali za Halmashauri ili kuweza kuisaidia Manispaa hiyo kutekeleza miradi mbalimbali ya maendeleo ikiwemo ujenzi wa miundombinu ya Elimu, afya na masoko.

Kwa upande wake Kaimu Mkurugenzi wa Manispaa hiyo Dkt. Peter Nsanya alisema kuwa kwa mwaka wa fedha wa 2022/2023 Manispaa ya Ubungo imekasimia kukusanya na kutumia kiasi cha shilingi Bilioni 32 kutoka katika vyanzo vya mapato vya ndani ikiwemo Ada ya Leseni, Ushuru wa Huduma na Vibali vya Ujenzi.

Nsanya amewataka watendaji hao kujua na kuainisha vyanzo wanavyopaswa kukusanya mapato kwenye maeneo yao na kuvisimamia ipaswavyo ikiwa ni pamoja na kuweka "target" za mapato wanayopaswa kukusanya ndani ya mwaka wa fedha wa 2022/2023.

Nae Afisa Biashara wa Manispaa hiyo Bi Mary Mwakyo si ameainisha vyanzo vya mapato vya Manispaa hiyo kuwa Leseni za Biashara na za Vileo, Ushuru wa huduma, Vibali vya ujenzi na vya sherehe, Ada za taka ngumu na za ulinzi shirikishi, faini za kuvunja sheria na vinginevyo.

Kikao hicho kumeweka mikakati mbalimbali ikiwemo kuendelea kujenga uwezo kwa Watendaji wa Kata na Mitaa juu ya ukusanyaji wa mapato, kuwepo kwa Afisa biashara kwenye kila Kata, kutoa motisha kwa Mtendaji atakaefanya vizuri kwenye ukusanyaji wa mapato.

Manispaa ya Ubungo hiyo katika mwaka wa fedha uliopita wa 2021/2022 Manispaa hiyo ilikasiniwa kukusanya shilingi Bilioni 23 lakini ilifanikiwa kukusanya shilingi Bilioni 27 Sawa na asilimia 118%.

WANANCHI NA WAFANYABIASHARA WOTE WA HALMASHAURI YA MANISPAA YA UBUNGO MNAKUMBUSHWA KUENDELEA KUCHANGIA MAPATO YA MANISPAA KUPITIA VYANZO MBALIMBALI

- . USHURU WA HUDUMA
- . LESENI ZA BIASHARA
- . LESENI ZA VILEO
- . VIBALI VYA UJENZI
- . KODI MBALIMBALI
- . VIBALI VYA MADINI YA UJENZI
- . USHURU WA HOTELI
- . ADA MBALIMBALI
- . USHURU WA KUSHUSHA NA KUPAKIA
- . VIBALI VYA SHEREHE

ILI KUPATA TAARIFA MBALIMBALI ZA HALMASHAURI YA MANISPAA YA UBUNGO, WANANCHI NA WAKAZI WA MANISPAA YA UBUNGO MNAKUMBUSHWA KUFATA NA KUFATILIA KURASA ZETU ZA MITANDAO YA KIJAMII ZINAZOPATIKANA KWA JINA MOJA TU LA [@ubungomanispaa](#)

Kwa maelezo zaidi, tembelea tovuti yetu, www.ubungomc.go.tz

